



PL  
2698  
L52  
1730  
v.3





之秀氣造化之靈氣爲根。故得之者。可以致瑞。食之者。可以長年。異才之生也。亦然。卿相之貴。素封之富。雖曰無根。而實有基之者。或爲祖宗墳墓之蔭。或由勤苦造就而成。才則特然而生。一無所假。人謂才之生也。由于誦讀。是詩書卽其根也。予曰。不然。才猶禾苗。詩書猶糞壤。糞其田。而使熟者。詩書也。才之種子。不與焉。無才而誦讀。讀之旣成。亦不過章句儒生而已矣。古今豈少讀書之人哉。邊孝先經笥其腹。齊陸澄書厨其胸。究不得與屈宋



班馬韓柳歐蘇諸人。並有千古者。才不足耳。以是知異才者。人中之靈芝。靈芝者。草中之異才也。因爲吳子念庵。題採芝圖像。而暢論及此。念庵之爲人。瀟灑絕塵。其才亦瓌璋而卓異。詩曰。惟其有之。是以似之。有類芝之才。而又慕四皓之高風。斯有採芝之逸興。否則畫牡丹而樹槐棘矣。爲之讚曰。峴山之陽。地僻如商。無土不沃。無草不芳。瑞氣韞結。芝出高岡。旣饒神采。復多異香。卿雲冒乎其頂。靈草厠乎其旁。若有所爲而始出。詎無所待而相望。爰有



畸人葛巾野服高致若松澹味如菊三尺之童隨以  
作僕若有意乎尋芝適相逢于幽谷乃命奚奴潔身  
而採未折祥芬先批瑞靄名爲一色之紫芝實備文  
中之五彩披斯圖者皆謂此老才如宋玉貌類子房  
正宜用世胡遽思藏採芝者隱人之事食芝者益壽  
之方胡爲乎棄功名于有道之世防衰老于少年之  
場予獨曰不然貴賤靡常惟天是寶青雲白雲並行  
無礙欲識採芝之念何居但問醉翁之意安在

王茂孳像讚



毛禪黃評  
巧中有朴  
故佳

此老何人。長眉濶額。七尺其軀。更饒精爽。宜著錦衣。  
胡披鶴氅。採藥何爲。勞吾懸想。似識其容。沉思半晌。  
始知爲十六年不見之茂孳。其意氣風裁久矣。見稱  
于吾黨斯人也。向爲高儒。未難自養。七字吟成。萬人  
爭賞。才堪一第。而故作班超。力能封侯。而願爲李廣。  
時不可爲兮。卽退耕南畝之雲。學仙有得兮。故自劖  
芝田之壤。本是蓬萊頂上人。宜脫嗜慾塵中網。吾所  
慮者。世事紛然。英豪絕響。不無勸駕之公卿。三顧其  
廬而相強。料子安貧樂道之心。堅必不見獵羨魚而



技癢

張詩宜像讚

詩宜孝行著于鄉黨又薦友于

之好沈繹堂太史顏其居曰孝友堂因其行

居二適合張仲孝友之句云

此君之貌似柔而剛此君之氣不飛而揚外多風致

內饒肝腸斯人爲誰請射其藏金華殿前之禹北平

侯後之蒼勇則不難爲翼德智亦何遜乎子房不得

志而娛情閑閑固有似子畫眉之敝使得志而殫心

功業焉知不作埋輪之綱人但知其工于臨池而爲

微評

一贊竟同

作書不知

吳門梓潼

一是一



書法最精之顛旭鳥知其聰明絕世。使能潛心詞翰。焉知不爲聲譽籍盛之孟陽斯人也。孝友既合于前。人復奇其行之居。仲才行悉侔乎先世。不媿其姓之爲張。

張敬止網魚圖讚

魚我所欲也。因自名笠翁。以其才薄劣于世無所庸。人地務相宜。所以異其踪。張子命世才。倜儻而英雄。結駟擬千乘。食祿期萬鍾。胡爲亦蕭散。托足于飄蓬。覆雨笠于虎頭。燕領之上。被烟蓑于鳴珂。佩玉之躬。



不特漁其身而復漁其婦使之結網以相從世莫知其寓意子請測以私衷太公居北海釣隱安貧窮苟不遇西伯將以漁父終時至而命隨變化如魚龍張子自期以呂望故不惜卑賤其身容不知者將謂追踪于志和而法張氏之華宗噫亦何小視斯圖而強絕異者以相同也耶

八十四翁張文吾像讚

孫宇台評  
雅不入桃

此像肖誰吾家老子髮則皤然心猶孩始不駕青牛行而善止日擁圖籍遂忘寒暑非此古人孰堪與處



藏板

種德維橋收功有梓。孫枝愈茂。蔗境彌旨。睹其貌而識其心。觀其德而量其齒。福可邀天。壽難屈指。再過百年。形猶若此。俗眼視之。以爲將近八百歲之錢鏐。而自天上仙班視之。則以爲甫出左腋之李耳。

又題小冊

睹君之像徘徊不已。旣讚軸頭復題冊子。雖曰有其德者必有其年。然而儘有賢人壽難若此。猶記二十年前杖于鄉。後十年今杖于國。而今復杖于朝矣。繼此而耄而耄而期頤且焉。知不再益其年而倍徒問。



操何術以至於斯願君授我餘丹而使得附劉安之驥尾

旅浩亭評

畫像難于

竹題像史

難于省空

翁諸贊無

不類上二

毛即此是

畫何用丹

青恐丹青

之肖正不

若是之活

現耳

劉了菴先生像讚

雙山給諫之封翁也為古

學名儒舉鄉薦不仕誨子及孫皆登上第

坐者何人是僧非僧如其果是指我迷津人曰不然

老子後身道非常道名非常名言著五千舌則常捫

起家儒氏足躡青雲致君有術用之則行惜遇滄桑

抱志弗伸雖曰未伸貽厥後昆簪纓屢世皆屬名臣

斯人也合儒釋道之三教于一已萃富壽多男之四



代于一庭。其號了菴。其姓卯金。阿誰不知。爾目猶瞠。  
欲向此公而問道。須再讀十年而後。可遊于西川夫  
子之門。

湯聖昭使君小像贊

仕品有二。曰人曰仙。人吏志高。仙吏氣恬。人吏疎泉  
石。仙吏薄輜軒。人吏赫然而可畏。仙吏翛然自適而  
絕不掛科名祿位于長眉廣額之間。吾未覩聖昭湯  
子之爲吏。而識其人于席苦枕塊之年。其形卓爾。其  
意悠然。其胸冰雪。其致雲烟。與之縱談。竟日宛然未



釋褐之吾輩。而不知其身都顯貴者。已經一遷而再遷。出其繪像。索我芻言。披襟捫膝。脫巾露顛。一拳之外。不留芥纖。宜乎清操。與石比堅。吾聞輕富貴者。富貴偏集其身。而不去。慕丘貉者。丘貉雖樂與爲緣。而不卽與爲緣。披斯圖也。知湯子之爲官也。正未艾而神仙飄舉之事。非其身後卽其生前。

掄仙掄汝掄毓三姪孫小像贊

長枕大被。吾宗有劍。帝王家風。匹夫能繼。數踰二難。獨昆雙季。鼎足而撐。一家天地。定省之暇。熙然忘寐。



樹下風生。錯中泉沸。共把臂而入林。各選石兮成位。  
或哦新詩。或晰疑義。偕此雅俗。以風有位。此風萃于  
門內。今則爲家。楨散滿域中。今卽爲國。瑞吾願胥天  
下之爲兄弟者。悉仿此圖。以爲心庶。敦友于之風于  
莫墜。

羅上極像贊

少爲寧馨兒。蔚乎謝庭芝。及其旣壯而強仕。猶然綽  
約乎風姿。中肖其外。明而善知。億則屢中。才不費思。  
吾于此識皮相者。不盡爲失。而安仁叔寶之胸臆。無



不現乎其鬚眉。

朱駿文像贊

旬日之間題像六七。皆令我忙于此。獨適長安道上。皆勞人何處飛來仙子。逸獨坐匡牀。好遊懶出羅山水于膝前。閉松風于一室。索書書來呼琴。琴得有解事之奚奴。無到門之俗客。伊何人斯。駿文詞伯。惜登名于天府。將鼎餐而肉食。負此谿山多離少。卽願假丘貉于笠翁。代守仙源于弗失。俟汝功成名立歸來。今仍向此中避勞跡。



沈亮臣像讚

居杭十年。僅得一友。沈子亮臣。淡而能久。才堪廟廊。惜乎未偶。婆世以心。活人于手。近居京洛。其名益吼。十年不遇之故人。一旦相逢。皆白首。出其像以示余。問斯形之肖否。予也初見斯形。不知爲某。覩頰上之三毛。悟伊人兮八九。其貌如愚。其容似酒。其神在目。其心在口。觀斯形也。鄙曹交之食粟。而長怪休文之腰細。如柳。與其美而愚。毋寧智而醜。吾聞具古貌者。必有古心。予猶及見三代之遺風。於是叟。



方樓崗評

奇事奇緣

乃有此奇

文惟此奇

文乃能志

此奇緣奇

事

曹細君方氏像贊

有序

石臣曹子以美少年而工詞翰其閨君方氏亦閨  
秀而備德容者造物於人之伉儷往往顛倒其形  
與情而後合之妍於內者媼於外或豐其表者嗇  
其中此子奈何天傳奇之所由作也石臣夫若婦  
何修而得免於此有作雙美傳以奇之者非人言  
過實可知奈何琴瑟之歡未及十載而曹子遽有  
鼓盆之戚雖云好物不堅紅顏命脆亦造物者之  
終於客此不肯反常而趨異也甲寅夏予以訪戴



過鳩茲石臣懷細若像示子爲之涕泣索贊謂此  
意出自內人瀕危有遺言冀得李子片語死當瞑  
目因在生時非湖上笠翁之書不讀知此老慣操  
三寸不律起亡者而存之只今梨棗之上俾泉下  
人凜凜有生氣者誰之力歟噫子何人斯能使婦  
孺知名若此但見石臣悼亡甚戚而子亦在連喪  
二姬之後餘涕未收導之卽出故不能已于言而  
且言之不禁其娓娓也

婦人之美有三曰德曰才曰色兼其美者百中無幾



倪開公評

木翅隨水

遷流落英

隨風飄蕩

聚散無常

此發大悟

不然是同

龜豕矣

得其配者于中鮮一圖中之人彙其全人咸以此充  
造物於汝何私待人何刻造物曰我實不然請觀其  
卒人之云亡天兮少愚如其不然何以示至公於人  
而使知人事不齊之畫一僅存死像以偶生匹琴不  
彈兮有聲口無言兮欲泣身不死于色衰之年名始  
芳于咏絮之日君不見桃花歷亂李花殘欲睹芳姿  
安可得曷若借此圖以駐嬌容庶幾百世千秋饒粉  
澤湖上笠翁之爲是言也雖曰徐君之劍未嘗索我  
於生前而欲景延陵季子之高風不妨追贈其人于

既歿。

楊子亦禪像贊

佛將持世。無髮弗髡。邇來繪像。十人九僧。貌雖近似。神則徑庭。亦禪楊子。神朗氣清。未具佛面。先具佛心。心兮弗假。面遂逼真。我睹斯像。如見世尊。其爲人也。惡殺好生。兩居幕府。皆擁萬軍。助籌帷幄。志在立勲。苟可勿殺。卽與圖存。所活衆多。是謂善因。宜其眉際。蒼覆慈雲。字曰亦禪。實孚其名。兀坐匡牀。心無所營。始學莊周之坐忘。而所謂嗒焉似喪。其偶者非歟。人。



謂楊子固有用之材也。胡爲乎使之終年不出而盤礴山林。予曰。非其時也。是不妨。譬爲隴中諸葛。而且作梁父高吟。

佟壽民方伯擁書圖讚

先生之神安以舒。先生之形豐以澤。圖閣之容。封侯之骨。其外若仙。其心則佛。卽其所擁而視其所求。已非尋常士大夫之所能及。其爲官也。前擁千旌。後擁檠戟。羣僚百執。擁拜于前。妙舞清歌。擁侍乎側。而先生之所好不與焉。謂虎頭將軍曰。吾所好者。不在大。

貝天球而在牙。籤錦帙。子當坐我其間。而裨作南面  
百城之佳客。噫。世事紛然。蒼生岌岌。撥亂需人。先生  
其出。

鄭乘文像讚

此像爲誰。吾能識之。非惟識之。亦且寄之。一生好學。  
旦而夕之。家惟硯田。耕而力之。有才弗售。天雖厄之。  
腹中經綸。人難匿之。藟藟有口。仕紳詰之。無語不當。  
施而訖之。利興弊除。凡民德之。所學能行。何須職之。  
力能豐財。好施膏之。以友爲命。飲之食之。將伯之功。



亦嘗得之家住吳山烟雲集之時登其巔杖藜翼之手不善談而喜人奕之性不嗜飲而不怪他人之溺之其爲人也如此與之交者安得不見而矐之不見而憶之有心當世者安得不未見而物色之旣見而矐式之

家石菴棠棣芝蘭並茂圖讚

人生百年貴能行樂忘舍目前求之寥廓喜爲汗漫之遊耽受妻孥之縛予嘗怪之目爲行脚今覽斯圖如聞木鐸真樂無過于天倫美景不由于穿鑿父子

雍雍則睹庭花檻草盡爲謝安石之芝蘭兄弟怡怡。雖住圭竇華門亦是唐玄宗之花萼矧君家父子兄弟所居爲綠野之高堂所登乃石渠之邃閣也哉。

朱次公四時行樂圖讚

咄哉斯圖誰人所作狀我次公肖其卓犖度若淵潭氣如山嶽才爲百鍊之金心則未雕之璞人但知其外富龍文內多豹略而烏知其凌雲倒峽之才華苟施之于禮樂文章無不可以黼黻呈猷而綽綽集衆美于一身享四時之百樂看花圍爐聊適興于家庭。



洗馬射鵬。用寄情于寥廓。雖然此皆次公未得志于時之所爲也。時事孔艱。英雄出幕。行將爲尚父之鷹揚。奚暇爲魯人之獵較。烽靖烟消。開土疆斯時也。覓其人于金馬之門。睹斯像于麒麟之閣。

辯

回煞辯

錢牧齋評

回煞鳥鵲

二辨可以

延愚可以

善俗是有

關風教之

回煞之說。不知昉於何時。大抵殷俗尚鬼。其時士大夫欲神生死之事故。設爲是說。愚民信以爲實。遂蔓延至今。未可知也。人死未卜殯殮之期。先筮回煞之

文富正襟  
危坐讀之

歸義文集 卷之二

三

藏板

日至其日舉家徙宅避焉。雖僮僕鷄犬靡有留者。未  
避之先。埽糗餼牲醴于堂。以俟其來。享又篩葭灰于  
几席之上。及巷衢門閭之間。以驗其來之跡。夫煞之  
果回與否。不可知。而猫犬烏鵲之屬。見室無人。來啄  
牲糗。爪痕印地。家人見之。遂以爲神果來也。夫迹形  
之所出。形之不有。跡于何來。甚矣小民之愚。而傳說  
者之過也。余生平惡聞影響之談。于妖邪惑衆之事。  
必辟之。是力已已。丁失怙。憂日者告余曰。某日回煞。  
請徙宅避之。予曰。予惑是久矣。請與子辨之。煞果有。



倪開公評  
絕大議論  
何千言無  
人道及遲  
之以待筮  
翁

乎曰有有雌煞有雄煞人死則二煞與魂相依若罔  
兩與影之不相脫也有則果回乎曰焉有人死而煞  
不同者回則果當避乎曰趨吉避凶古有明訓奈何  
不避子曰此子所以惑也夫無煞則不必避使誠有  
煞則又不當避孝子於親之歿有刻木以肖其形者  
有於詩書檇棬徵其平日之遺澤者皆以親之不可  
再見也今既惠然肯來將逆之不暇何避之有曰者  
曰煞神梟惡觸之則禍作非避親也避煞神也子曰  
然則子惑滋甚吾聞光明正直之謂神慈祥豈弟之

謂神未聞不以德著而梟惡是聞之得爲神者也若  
啜牲糗于無人之地遇人則降之殃此殃厲之爲而  
神爲之乎日者曰然則杭人作樂以迓煞子又以爲  
何如予曰迓則近情而喪中陳樂又叛乎禮特彼善  
於此耳曰以子言之必如何而可予曰筮其期可也  
絮酒擊牲以待之可也若舉家徙宅而避之是塞人  
子念親之心開天下倍本之漸此先王之教所不容  
也日者唯唯否否而去予於是夕張炬設席於中堂  
誦蓼莪之篇讀大小戴之記涕泗達曙而不聞影響



作回煞辯

烏鵲吉凶辯

烏鵲之取憎愛於人。以其聲係吉凶也。人之吉凶。何與彼事。乃以口舌獻媚。亦復招尤。使其聲于人之吉凶。果萬不爽一。則烏鵲一著龜也。著龜告吉于人而人喜。告凶于人而人不敢怒。烏則不然。薄言往愬而怒。是逢亦何自。續其靈歟。或彼自言所言。無關休咎。人心之愛憎。自以疑忌而生。若是則得愛者幸。而蒙憎者冤矣。夫鵲不果吉。烏不果凶。世人亦屢驗之。無

吳梅村評  
是一篇段  
譽論借鳥  
鵲發之

如喜怒哀之懷有觸卽發若有恩怨積于中者此何以  
故曰以毀譽之入人深也譽鵲者衆故有聞卽喜毀  
鳥者繁斯無遭不怒孔子曰衆惡之必察焉衆好之  
必察焉鳥鵲非人其蒙毀譽類乎人故得以察人之  
察察之夫言辭視乎其人其人也君子其辭必藹而  
吉其人也小人其辭必厲而凶今鵲果君子而鳥果  
小人乎是未可知然嘗稽之載籍矣卦驗云鵲者陽  
鳥先物而動先事而應淮南云乾鵲知來而不知往  
則鵲鳴之言洵有由來至于鳥之兆凶則不知何據



海村又評

于曹好書

惡中獨行

特見方

英年復

人下古

即亦千

矣

又評

管翁論古

一書其點

陟古人強

半類此學

問人不可

聞之鳥孝鳥也能返哺虞帝至孝則集其庭曾參大  
 孝則萃其冠武王能卒父業故火流為鳥蕭放廬墓  
 而來馴顏鳥居村而啣鼓夫羽旅至眾鳥獨以孝聞  
 是亦慈而祥者矣聞其聲者如聞孝子之慨歎我有  
 其德則喜為相感之符不則當萌人而不如之愧奈  
 何不祥其音而叱之以是為不祥則蓼莪亦不祥之  
 詩而孝經亦不祥之書乎若鳥中有梟則誠為不祥  
 之物矣齊景公惡聞其聲置白茅禳之夫梟性食母  
 語曰烏反哺梟反噬順逆相背然則非惡梟也惡其

不讀。

不孝也不孝者惡則反其行者豈僅不當惡乎考烏  
之往蹟其兆祥且甚於鵲銜珪于周而代殷夾飛于  
越而反國頭白于燕丹而太子歸羣噪于何準而女  
爲后其餘巢門止栢鳴輿引路集戟諸祥難更僕數  
雖偶爾巢殿爲災隨車致敗然鵲亦嘗以巢帆巢車  
致變何獨恕彼咎此吾聞休咎不在物在人善者得  
災異鮮凶不善遇麟鳳非瑞若是則烏鵲二物吉則  
偕吉凶則並凶而人之愛憎終不能齊豈非惑于所  
聽乎故曰毀譽之入人深非臆說也抑又聞之烏之



形好聲醜者。鸞鳥是也。然則仁而不佞其鳥。致憎之  
由歟。

露布

獬豸討中山狼露布

蓋聞毒莫如蛇。猶效珠銜之報。暴寧似虎。曾酬襲掩  
之仁。是類俱帶人心。伊誰獨仍獸行。今聞中山狼食  
恩人一事。當其出山逢敵。已知九死之該。負箭投林。  
猶幸一生之或。踉蹌遇客。安知非收利漁翁。悠忽行  
人。強使爲放生居士。俛首酷隣。狐媚依人。絕類猫柔。

永承篤評  
罪之誠是

三續文集卷之二

二

藏板

有某者。斷不勝。慈翻怪殺蛇。太忍仁能昏智。自云養  
虎。何妨拔矢鏃于肋邊。心傷奇痛。吮瘡痕于血底口。  
帶餘腥。營兔穴以埋藏。解鷄衣而掩覆。迨至吮軍大  
索。幾爲從井之兩傷。猶賴謫語彌縫。始脫重圍。而再  
造此誠。起死而肉骨。所當矢報于糜身。奈何創血未  
乾。飽德之盟已背。酬私未効。饑腸之餌先充。剿忠信  
之窮奇。聞而未覩。卑德行之混沌。怪也難經。食人間  
斷不可食之人。自貽伊戚。犯罪中萬無可救之罪國。  
有常刑。牙賦性觸邪。備員治獄。憫善士蹈人以死。雙

元展成評

義正詞嚴

筆尖鋒利

孫惠讓工

陳琳遊古



更無微辭  
 天下中心  
 寂然義理  
 所至可證  
 使貢心人  
 跋胡疋尾

孽蟲負義而生。傲辭上。當于獅王。當令銅頭髮監罪。  
 狀風聞於虎耳。懸知雷吼山崩。象應奮鼻捲之。威麟  
 亦破食生之戒。無勞虎卜前車。載朱雀之祥。烏用狐  
 疑。尚方請白猿之劍。縱使糞烟可舉。龍來助虐之羣。  
 當令倒卜失靈。兼殪輔行之狙。剗心竿首。負恩之戎  
 首。伏辜食肉寢皮。戴義之輿。情始洽。憫入懷。而活窮  
 憊。還須引手于人。不識字而觸忠良。無許冒名爲我  
 說。

名諸子說

予生七子而妖其二。長曰將舒。次曰將開。三曰將榮。四曰將華。五曰將芬。六曰將芳。七曰將蟠。榮芬妖矣。今存五人。俗以多男視人者。動曰五男二女。豈造物者亦未能免俗。因其溢出數外。故芟而去之。邪。諸子命名皆從將。將者將然未然之詞也。天下事莫妙于將而莫不妙于既。既則令人觀止矣。曷若將然未然之多餘地乎。吾欲諸子顧名思義。人各用將。凡事皆然。不獨功名富貴。富而不將。則以滿致溢。貴而不將。則由高得險。戒之哉。



疏

大士宮募田疏

宮有喬木甘泉

夫有寺無僧終歸無寺有僧無食究至無僧欲爲寺而招僧先爲僧而謀食食由田出田必入施本境有大士宮靈感爲一方庇青木如蓋甘泉如飴近山而猿鶴參禪傍水而魚龍聽法遊人隨喜而不忍去高僧至止而願爲棲但富于烟霞貧于供養汲甘泉而伐喬木難爲無米之炊低菩薩而怒金剛空作沿門之乞蓋因檀越不膏腴之割使緇侶無草雖以致山

僧。寡。香。火。之。情。棄。白。雲。而。做。屣。寺。千。年。如。故。僧。一。歲。  
幾。更。琉。璃。常。滅。而。不。明。鐘。磬。纔。續。而。復。斷。於。是。有。薦。  
紳。某。文。學。某。欲。爲。悠。遠。之。圖。大。展。慈。悲。之。力。慨。施。數。  
畝。領。袖。一。方。普。願。一。境。檀。那。十。方。士。女。多。論。畝。少。論。  
分。但。求。慷。慨。之。施。近。在。身。遠。在。子。必。有。善。信。之。報。佇。  
看。連。阡。連。陌。只。在。一。年。半。年。今。而。後。因。恒。產。而。有。恒。  
心。不。致。僧。無。坐。性。得。世。臣。以。副。喬。木。庶。幾。佛。有。常。依。  
漢陽府重建鼓樓創立馬頭募緣引

代郡守作

三楚名郡首推漢陽前以按踵而治者除故明勿論



自皇清定鼎以及于今已二十餘年矣。宜乎百廢俱興。無政不舉。乃予承乏其間。覺當舉未行者。正自不少。豈政事之缺略。猶書文之亥不與。愈有之。落葉同其狼籍。而不可問乎。茲且遺網而談鉅。若鼓樓居一郡之中。以肢體喻之。則猶心君之在腹。以聲息言之。則如喉舌之在口。腹可一日無心。而口以內之呼吸呻吟。可一息不出于喉舌者乎。處司更于要地。可戢雞鳴狗盜之雄。豈奎壁于中央。必致鳳起蛟騰之瑞。是鼓樓之重建。不可須臾緩也。若夫漢口之

去郡城路不二三里而有邈若江河之勢。以有一水界乎其中耳。一往一來必須兩番開渡。計人計費豈止日去萬錢。何不架以浮梁。繫以鐵纜。可開可合。利於車往而又不礙于舟行。經之營之。雖有暫勞而實可圖其永逸。然欲建浮梁必須先立石柱。排山倒海之水勢。非一木所能支也。計圖利涉又必先砌馬頭。臨深履薄之危途。非一蹴所能至也。茲計馬頭鐵纜浮橋之費。將及若干。鼓樓木石人工之費。將及若干。總估二費而合計之。不下若干。夫以貧太守而思作



無米之炊。奚啻三更說夢。然以衆力。士而共擎。有足之鼎。何難一舉成功。茲特捐俸若干。置買木石。先爲一簣之基。然後徧告同心力襄此舉。凡我縉紳先生。膠庠人士。以及商賈之好義者。耆老之急公者。量其力之所能。竭此心之難已。福及諸公之桑梓。我何與焉。義全太守之面顏情斯厚矣。

券

賣山券

山可買乎。不可買乎。云不可買。胡無券者不得業焉。

范方白評  
社老有浣

花溪券傳  
誦至今竟  
與天球大  
貝同珍得  
經翁此文  
是券中又  
一天府

如云可買胡有券者不得常業焉。二說究何居乎曰  
可買第非青銅白鑑所能居而有焉。青銅白鑑能購  
其木石不能易其精靈能買其肢體不能易其姓名  
然則恃何以居之曰恃絕德畸行與瓌璋之詩文其  
價值足與相當則此山遂改易姓字竭精畢能以歸  
之雖歷古今變滄桑不二其主故海內名山皆有所  
屬如嚴陵受氏于子陵龍崗貽稱于諸葛蘭亭噪名  
于羲之赤壁蜚聲于子瞻諸難枚述自商賈仕宦以  
及樵叟牧豎經其地則繹其名不俟問津而後識其



富且貴者雖積金與山齊力能負之而走終不能制  
前人之姓氏而代以己名卽或業主更亦僅同守  
薪之吏灌園之丁爲護往蹟而已若幾于入目此山  
爲我有也謹其然之伊山在澱之西鄙輿志不載邑  
乘不登高纔三十餘丈廣不濫百畝無壽松美箭詭  
石飛瀑足娛悅耳目不過以在吾族卽離之間遂買  
而家焉吾儕小人旣無德行可傳而詩文又不能好  
第山鮮奇勝投以鄙固之辭亦未甚虧其價值謬計  
可常有之矣詎意兵燹之後繼以凶荒八口啼饑悉

書所有而歸諸他氏。噫。山棄人耶。人棄山耶。何相去之疾而相別之慘也。然既賣無事流連。乃于四至常契之外。別書一紙以遺受者曰。買是山木石肢體之銅鑼。則既受之于子矣。若夫質精靈易。姓名之價值。尚有俟焉。今人備一小物。必書其隙曰。某年月日某置。斯他人不得攘而有之。矧百畝之山乎。且余向嘗爲伊山別業詩。載入集中。稍布遐邇矣。他日過此者。曰。是卽李子之山也。子寧不怒夫。陽受其值而陰踞其名。是市黠也。然非舊主所能禁。子欲鼎革無難。其



急登高而作賦。繞匝而尋詩。務使離奇。壞瑋出余上。  
壽諸梨棗。脛翼人間。俾見者曰。伊山不屬李于矣。售  
得其人矣。若是。余卽欲陰歸其名。誰復信之。不則幸  
記斯言。勿咎予。不白之初。而貽後言于子。

誓詞

曲部誓詞

余生平所著傳奇。皆屬寓言。其事  
絕無所指。恐觀者不諒。謬謂寓譏刺。其中故  
作此詞。以自誓。

竊聞諸子皆屬寓言。裨官好爲曲喻。齊諸志怪。有其

事豈必盡有其人。博望鑿空。詭其名焉。得不詭其實。矧不肖硯田。餬口原非發憤。而著書筆。蒞生心。匪託微言。以諷世。不過借三寸枯管。爲

聖

天子粉飾太平。揭一片婆心。效老道人木鐸。里巷既

有悲歡離合。難辭諱浪。諛諧加生。旦以美名。旣非市

恩。于有託抹淨。丑以花面。亦屬調笑。于無心。凡以點

綴劇場。使不岑寂而已。但慮七情以內。無境不生。六

合之中。何所不有。幻設一事。卽有一事之偶同。喬命

一名。卽有一名之巧合焉。知不以無基之樓閣。認爲



有樣之葫蘆。是用瀝血鳴神。剖心告世。稍有一毫所  
指。甘爲三世之瘡。卽滿顯誅。難遭陰陽。作者自于於  
有赫。觀者幸諒其無他。

### 銘

烏有先生集銘 余新制一笥。外作縹緗簡冊  
之形。啓而視之。則空空如也。凡案頭需用之  
物。如箋。簡。筆。墨。圖章之屬。悉貯其中。因以烏  
有先生命名。道其實也。

先生烏有集于何來。以彼舊字。字我新裁。古人象形。

以制物不必名實之果。諸虛其中以作筭。隨所欲以取材。案頭需用之物。不出侍見之手。不出奚奴之背。而隨取隨得于烏有先生之懷。天下古今之妙義。惟至無者能生。至有子之創是物而命是名也。蓋本天地自然之理。而匪同于穿且鑿者之市乖。

沒字碑銘

卽前烏有集同物而異其名。形亦

小異。彼有書本此類法帖。

有碑之形。無碑之實。取法先天。何文可勒。旣沒字而去。碑示其中之有。積藏翰墨于西園。貯圖書于東壁。



宅佳句以代奚囊。蘊奇文而稱秘笈。是沒字爲有字。之祖。而其所謂碑也者。亦天下古今語言文字之至極。

### 詩筒銘

離婁引繩。公輸截竹。制爲郵筒。利輕以速。法君子之虛中。不充盈。以自足。庶虛往而實歸。假唱酬爲頌讀。此荒疎李子之自云其云。非所論於便便自主。無藉于人之筒腹。

引

梁夫人壽冊引

戊午閏前二日爲攝篆司馬梁公夫人設輓之辰。部  
民之頌父者必頌其母。予謂外言不入于閫。祝詞雖  
工。夫人何由見乎。欲求其見。非得婦人女子之言不  
可。因走書同學索闇秀詩詞書畫以獻之。諸女士無  
不贊勇。謂乾坤合德。始能覆載斯民。文王之化行南  
國。后妃與有力焉。各謂其夫及昆弟曰。汝頌汝父。吾  
祝吾母。各盡其道。勿以昔日華封人僅以多男二字  
寓祝堯后之義于其也。予美斯言。述而載之以弁



其首。

助葬冊引

昔范希文先生贈麥舟一事。千古義之。非義其輕財。  
義其施于有用之地。而能成人之孝也。人能自孝其。  
親。始能成人之孝。吳子某。文士也。家貧不能葬親。求。  
助于所交之尚義者。吾欲借此以觀人。他時事克有。  
成。能助吳子葬親者。其為孝子可知也。雖然求忠臣。  
必于孝子之門。其為人也。又豈止孝云乎哉。

哀詞引

鄉評  
巧丁勸助。  
文心之慧。  
而別也若。  
此。

哀詞易作而難工。以文生乎情。情不真則文不至耳。至以男子哀婦人。自夫婦而外。盡難措辭。以閨中情事。非外人所知。莫知其情。文胡由作。至以久別之弟。而哀既嫁之姊。則難之又難。佟子碧枚。則巧于行文。出其事于太夫人之口。以姑哀媳。庸有不真者乎。情真則文至矣。至書法之工。又能與文媲美。以是冊置董公案頭。時時繙閱。則董公夫婦之誼。碧枚手足之情。均于是乎弗替矣。



春及堂詩跋

釋黃評

感戰綿綿

同聲嗚呼

愈於遠放

翁而後罕

見此等手

筆

詩文之有跋。猶人冠裳之下。之有履。讀至終篇而莫忍釋手。不能贊一詞。而又不能不贊一詞。佛頭既不。敢贊。細帙又未可污。不得已而作蠅頭附驥尾。于是乎有跋。蓋愛之至。敬之深。猶見人至美之軀。而不忍。既其足也。予小子之跋春及堂詩。非第愛其書。敬其人。且觸尋源報本之思。切泰山梁木之感。不知涕淚之何從矣。蓋春及堂主人。非他。迺予一生受德最始之一人也。侯官夫子為先朝名宦。向主兩浙文衡。予

出赴童子試。人有專經。且間有止作書藝而不及經  
題者。予獨以五經見拔。吾夫子獎譽過情。取試卷。災  
梨。另爲一帙。每按一部。輒以示人。曰。吾子婺州得一  
五經童子。詎非僅事。予之得播虛名。由昔徂今。爲王  
公大人所拂拭者。人謂自嘲風。嘯月之曲。藝始不知  
實自采芹入泮之初。受知于登高一人之說。項始乃  
今桑田成海。海復爲田。雖閭浙相距非遙。而前阻烽  
燧。後罹播遷。非止鱗羽久疎。卽吾夫子捐館于何年。  
卜牛眠何地。皆莫之知。迨今甲寅歲。其象賢公于王



假服回評  
以復爲狀  
意確而新

先生乘驄按浙予適過之先生出此帙示予設位  
而哭哭竟而後讀之其詩高古沉鬱不俟追琢而工  
不假脂韋而麗且語語出自至性他時采入國風垂  
之後季大有礪世磨鈍之功予低徊久之敬綴數語  
于篇末跋之爲言履也別吾夫子幾四十年而猶及  
爲之納履寧非快事作者有靈當必謂孺子可教不  
惜開龔啓贖于寤寐間乎

### 壽世奇方跋

藥石之有造于生命由來尚矣然同一方書施于古

人輒效而令人服之驗不驗常相半者其故何歟以  
古人信而今人疑也信則歷久不變疑則功效不速  
輒棄而之他夫病者之于藥不曰飲不曰食而曰服  
者是欲人中心誠服猶七十子之于孔子也今則不  
然常使醫爲我用則是藥服我而非我服藥矣強項  
如此藥將奈之何哉又魯論云人而無恒不可以作  
巫醫醫者且然矧爲其所醫者乎爲其所醫者朝飲  
暮輟彼醫之者卽欲有恒其可得乎然吾謂今人之  
善疑蓋亦爲庸醫之積習所使而有不得不疑之勢



也何則彼不肯委疾于他人而肩之甚毅者利吾報耳使有一人焉不受一錢不飲盃水而且自賠楮墨剗劖其方以公于世曰服此可以却病久服不置可以延年彼疑而不信與朝飲暮輟者夫亦可以廢然返矣是爲何人陳子遜齋是也遜齋爲卧子先生之季方而卧子又爲董玄宰宗伯之高足雖未同執弟子禮然躬受書法而得其精微亦與受業者等宗伯授以是方以其身具夙根而能不盡效鍾離先生之自秘其指也覽是方者因其自陳功效有髭髮轉黑

筋力疲而復壯。諸語微涉荒唐。十信其九。而終伏一線疑根。予詰之曰。彼刊方告世者。將索朱提贖命乎。抑冀分他日安期之棗。麻姑之脯。蓬池之膾。而爲放飯流歠計乎。曰不然。欲與斯民同臻壽域耳。若是則斯方誠可信。而今日之遜齋。與前日宗伯之所言。均非欺世惑人之語也。

文

瘞犬文

山居有犬。黝而碩。馴而驍。主人愛焉。字以神獒。司夜



於山居有年矣。穿窬輩將有事於室中之藏。慮其咆  
哮以相敗也。食以毒而斃諸塗。主人如失左右手。乃  
衣以茅棺。以蓆。瘞於山居之側。且爲文以告之。有客  
過之。曰。物蠢人靈。貴賤攸分。生靡我豢。死應我羹。今  
犬之死。子旣寬以鼎鑊之罰。予以竈窆之寧。而復載  
殺青從事。無乃貴庶類而自賤其文乎。主人曰。殆不  
然。凡物之不以天年終者。有德。斯德之有功。斯功之  
所以妥其魂魄。使不爲厲也。茲犬有七德而死於忠。  
我哀以文。奚過焉。客曰。七德云何。主人曰。之犬也。食

錢牧齋評

功德所繫

國門不能  
易一字

陸麗京評

雞五德人

知之犬七

德世皆習

而木察經

人之食。賊人之賊。耻埒素餐。不偶於職。德一。心專志粹。一人是媚。不問堯夷。非主則吠。德二。前戟後矛。矢石交投。咆哮相犯。不生是求。德三。憂勤盡瘁。不遑假寐。一家卽安。隻身相衛。德四。時晦則知。時明則愚。行藏合古。迥別時趣。德五。呼則來之。叱斯去之。聆音辨色。諂時識機。德六。若夫家喪業凋。粒絕烟銷。親朋見絕。鄰里相嘲。尾搖搖而眷主。腹喻喻而耐枵。不捐涼而就熱。類君子之石交。德七。具此七德。哀之以文。奚過焉。客曰。詳哉。子之體物也。予習而不察焉。往而不



金翁謝誠  
送雙子誠  
難移。

相失哉。主人曰：是旣厥德而未旣厥功。吾尚爲子畢  
奏焉。其於世也寡求。其于人也多益。播聲於遠。爲國  
增繁。庶之風息。響於宵。爲世增太平之色。是其聲繫  
治亂也。時眠黃葉。時吠白雲。破我癡夢。觸我詩情。是  
其益效砥礪也。看雲覓句。尾我登山。沽酪買書。隨子  
入市。是其勞代臧獲也。牀頭之劍。架上之書。未竿之  
竹。新種之魚。非其繞夜相守。豈得長爲我娛。是其司  
勤典守也。之數功者。詎不膚哉。以德若彼。以功若此。  
噤噤之文。子何恡焉。客三肯其首而去。

逐猫文

物之畜於人者。同功則並敘。牛司耕。馬服御。同功也。稱者則曰牛馬。雞司晨。犬守暮。猫辟鼠。亦同功也。稱者則止曰雞犬。而不及猫。昔人丹成上昇。雞犬俱仙。而猫不與。情有難周乎。抑三者之有幸不幸也。余嘗以之詰人。人無應者。因自窮詰。而得其故。蓋雞犬之鳴吠。無所利而爲之者也。猫得鼠以自啖。有所利而爲之者也。自利者貪。自利而獲利。人之名者。僭貪與。僭仙家所謂福車也。然則猫雖朝捕夕辟。功利兼收。



猶不得與狗義忘利者等矧利于身而不利于家且將不利于利于家者可無法以處此余畜一貓緇衣素裳俗有烏雲覆雪之號遂以皮相見收于主人撫之摩之減食食之甚至寢處與俱以示愛當其率性之始視鼠如讐有弗捕捕則必獲未幾而厭常趣異升險如猱走曠類犬覓食于飛鳴宿食間吐與時栖牢食者伍晝獵于外夜則酣宿于家向視爲讐者今則同眠而不之怪也遂至羣鼠公行家無完筭主人問罪于猫而猫方孕姑俟諸無何舉二子旦夕乳之

無暇野食。見鷄之雛者。犬之穉者。輒垂涎而懷臂焉。  
鷄犬交譁而訴于主人。主人怒曰。此患不戢。二族能  
噍類乎。且前之有待者。以失之母而或收之于子也。  
今子無知。視母以爲知。苟效其所爲。將以食鷄犬爲  
常。而捕鼠爲異。是母猶情之子。且性之矣。吾烏測其  
所抵乎。家人請售之。主人曰。售者幸矣。受者奚罪。然  
則殲之乎。主人曰。罪則可誅。前功難泯。且有二子在。  
詎不克庇一母。殲父庸子之法。可一不可再也。乃爲  
爰書曰。司捕弗捕。是失職也。失職有斥逐之條。凌轢



正典刑始  
快人意

有功是妨賢也。妨賢正放流之典。數里之外。凡達之達。其有北乎。乃命童子舉而投之。瀕行謂曰。無念爾子。于茲永訣。其悔爾戚之自貽。毋曰。我躬之不閱。既去。戒其二子曰。率爾良能。無循胎教。爰益母愆。是爲爾孝。復呼鷄與犬而飭之曰。無無人吠。無非時鳴。殷鑒不遠。視爾同羣。童子歸而主人問狀。童子曰。投之中原。原木蓊鬱。栖鳥在林。若有所俟。一躍而升。逞其故智。主人太息曰。鼠能噬腸。猿則噬臍。逐而不悔。貓其終歟。

放鹿文

有跂跂之高足。異嶽嶽之漢臣。銜命角里。來壽主君。已而漸狎。與人不驚。歷階升堂。排闥穿楹。齧紙餐花。牴角橫身。驅之復來。如蠱如蠅。主人乃怒。柙而寘之。於墻之陰。雖跬步之莫展。唯兩目之熒熒。主人顧而嘆曰。是爾之不遇。非爾之罪也。昔者秦宮漢苑。宜春華林。畫天漢以通池。盡南山而作屏。爾游其中。或友或羣。長得君王之顧。兼分大官之珍。卧瑤階以自如。隨輦路而無顧。或立殿中。車令不敢妄指。或息蕉下。



宋人不敢誤尋或齊列雁行。寇來無煩往觸。或比肩  
摩側。太子不責通名於斯時也。貴擬龍螭。伴麟鳳。  
時選鷺序之庭。亦微豹尾之寵。文魁列。警偕虎觀之。  
名儒武則藩軍。監龍驤之驍勇。豈與夫立仗之馬料。  
食三品。弄臣之孫官號供奉已哉。今爾見羅虞人徒。  
充間館。蒼苔白石已非曲澗之濱。裴几明牕。豈是幽  
巖之畔。忘寄人之籬下。竟昂首而傲岸。脫粟不飽。望  
側理而流涎。莘草難甘。眄庭花而目眩。蠡勺飲作汗  
池。文史殘爲蠹簡。出而隨車。鮮致鄭公之霖。入而臨

軒無當穆滿之玩宜取厭于主人同白茅之繼絆將  
 命懸于庖人不免脯以充膳諒遠害之無從安能鋌  
 而走險若為丐之餘生惟有開其一面敢效中山之  
 相出爾蒼龍之門兼命愿使護送深林爾其騁茲捷  
 足奔軼絕塵遠遠狼虎之穴謹避置累之嬰度漢楚  
 之莫逐共王裴而結鄰偕爾舊侶永茲仙齡上可驂  
 安期之乘次不失處士之名乃崩厥角鳴謝而去望  
 山景滅不知其處

張牛庵評

山中壽

尚有縣

牌者皆

時苑中

也鳥知

鹿不與

為共為

朽

紀畧



程黃評

讀此文者

當先思其

難下手處

則行文之

苦心與倡

義之苦心

具見矣。

# 朱子修齡倡義鳩資贖難民妻女紀畧

甲寅乙卯之間。入閩既叛。江浙騷然。稍邇賊氛之子  
女盡爲所掠。迨官兵一出。搗穴焚巢。賊衆非死卽逃。  
所掠子女。又爲官兵所獲。斯時玉石混淆。其爲叛賊  
之妻。良民之婦。不可得而辨也。罹難之民。欲詣行間  
識認者。皆攝于兵威。莫敢嚮邇。且良民之妻。旣與賊  
妻無辨。贖良民之妻者。與賊來自贖其妻。又何以辨  
乎。求其出而不能。又復以身殉之。是從井之救。至愚  
者所不爲也。是以夫覓其妻而弗得。于贖其母而未

入評  
此段亦具  
深心不得  
草草看過

能者日號咷躄踊于道路之間聞者僅能助涕真莫  
可如何之事也。子友朱子修齡爲世稱朱神仙二眉  
先生之高足睹此流離婆心頓發竟以莫可如何之  
事毅然自任而籌所以如何之通告于縉紳先生之  
當路者謂倒懸之厄莫甚于此請代諸公拯溺救焚  
而不避湯火之烈但求所以致之者士卒養民婦  
衣之食之病而藥之是皆不能無費不償所費而漫  
然求贖是欲其出而外屬其門也啓門之資非財不  
可難民被掠口且勿餬其能自爲計乎登高之呼勢



必望于當權之有力者。且請營伍贖難婦。非執兵符  
握令矢者不能。是始終皆須大力也。當事諸公可其  
議。莫不先之以身。出俸錢以倡斯民之好義者。爰是  
一呼萬應。富者出金錢。貧者典衣飾。千里內外聞風  
而至者。皆爭先恐後。諺云。良醫之門。衆疾所歸。仁人  
之耳。啼號畢集。此風一倡。昔者號咷于路者。今皆躡  
蹠于朱子一人之門矣。朱子不以爲苦。而且甘之。隨  
到隨贖。使鏡之破者重完。劍之失者復得。悲傷涕泣  
而來者。歡欣舞蹈而去。計前後所完離散之夫婦。迷

失之子母。分羣折隊之兄弟姊妹。殆萬有餘家。猗歟  
盛哉。子輿氏之言曰。窮則獨善其身。達則兼善天下。  
朱子有才而尚未見用。是窮也。非達也。乃能不辭艱  
險。見義即為。以獨善其身之時。而為兼善天下之事。  
豈非士林之豪傑。當世之仁人也哉。且當此民窮財  
盡之時。諸事可為。所難者。惟阿堵一物。勸人摩頂放  
踵。以利天下人。能從之。求拔一毛不可得也。朱子操  
何術。而能使巨萬金錢。悉歸掌握。暢我一人之所欲。  
為。而俾流離失所之民。各遂懷來而去。詎非咄咄怪

慨世語能  
今人解頤  
是匪鼎說  
法也



事乎。魯論曰：我欲仁，斯仁至矣。儒者詮釋其義，頗難着解。吾惟述朱子贖難民妻女一事，以告而以不解解之。

笠翁曰：修齡與其弟仙期同出，朱二眉先生之門。二眉先生乃現身說法，不羽化而神仙者也。吾未獲見其人，聞其道，驗其所謂先知先覺者，維何？然即修齡倡義鳩資，贖難民妻女一事，知其爲聖人之徒也。顏曾若此，仲尼可知，信乎其非凡民矣。蓋愚民無知，不遇神仙則已，如或遇之，必試以幻妄不經之事，及休

評  
醒。迷。  
過。于。棒。喝。  
有。功。世。道。  
不。淺。

咎禍福之徵能則真而不則詭爲僞矣其利民濟物  
之實際不與焉烏知所貴乎神仙者以其能度世耳  
度世云何救人于患難之中也仁者救人非出金錢  
不可鍾離點鐵止爲此耳豈欲自謀金穴哉今修齡  
能以赤手而致巨萬金錢卽是點金神術能以一手  
而拯巨萬生靈卽爲度世奇功非二眉先生指授之  
力能若是哉予讀先生與修齡書勉爲此事其畧曰  
吾師弟子生逢此日宜乎在在現身人人汲引免其  
沉淪苦海庶不愧乎生于此日貴地諸公現身活佛



浙中受益良多。雖居位者本心救世。尤須多方鼓舞。其造就生靈。奚啻三千八百已邪。由此觀之。則贖難民妻女一事。蓋先生心之而朱子身之者也。若是則今日當事諸公之不惜俸錢。遍邇士紳之樂輸恐後。焉知不有若或使之者在其若或使之者。卽二眉先生點鐵成金之一指。不欲以幻術示人。而歸功于當道諸公及遐邇士紳之好義者。殆神仙而儒術者哉。吾恨不獲旦暮遇之。紀其視聽言動。以傳于世。則知魯論與楚論必有相得益彰者。

龍丘邑宰盧公異政紀畧

稱功頌德。鄙夫之事也。予向恥而勿爲。茲述盧公政畧。無乃變其常乎。曰不然。頌其人于安居無恙之秋。則涉于諂。言雖極諛。而人終莫之信。其人以他故解任。而萬姓遮留不得能于此時。稱之頌之。則功乃真。功德爲實。德言者無慚。而聽者庶幾能信矣。因記盧公之三事于左。

盧公諱燦。字孟輝。遼左之海州人。以邑佐起家。因叛氛四起。江東告急。龍丘爲閩浙要津。餉道必經于此。



粟米力役之征倍于他邑。且四面皆賊。伺軍需而計。攘奪者。不遺餘力。非盤根錯節之才。莫能處此。故當事諸公。交章力請。而授居此職。公至。卽鍊民爲兵。以身將之。雖防城原有士卒。公止令防城出師戡亂。皆自爲之。邑之東郭有橋曰文昌。寬數丈。長十倍之。歲已卯五月。旣望公試武。童子演武塲。忽報此橋失火。須臾燒梁。木殆盡。火不起于民間而起于賊。蓋此橋係金衢孔道。賊慮王師一至。必由近及遠。倚山恃澤之巢穴。難保無虞。去此一橋。則往來不易。可緩須。

與之征亦無聊之極思也。故伏聞者于道。乘公有試事。卒急難救。因風縱火而焚之。兵民甚以爲恐。以橋斷則路絕。無論師旅之行。不獲人人問渡。卽四鄉賊起。趨避爲難。得失非細故也。公諭僚佐及士庶曰。無憂頃當復之。衆曰。造橋須木。今山林產木之地。盡爲賊踞。求尺寸爲刀斧之柄而不可得。矧盈千累萬之巨木乎。公曰。難不在木而在匠。當先致其難者。蓋是時黔黎盡竄。百無一存。民不易得。矧工匠乎。因委丞倅二員分地覓之。不數日而得百餘人。丞倅反命曰。



奇事奇文  
缺一不可

難者至矣。請問易者安在。公笑而不言。但取曆書擇吉。限日啓工。衆皆茫然。莫知所措。盡拭目以觀。無米之炊。公忽發令矢。傳各營鄉兵。隨本縣入山。剽賊。是日鳴金伐鼓。譁噪而前。衆又拭目以觀。擒獲之俘。乃俘不見至。而盈千累萬之巨木蔽江而下。不知何所從來。公歸而詢其故。始知爲賊在山中就近砍伐。日積月累而聚于一處。擬造木柵而拒。王師者公偵探得實。故于是日聲言剽賊。意不在賊而在木也。賊素畏鄉兵。聞風鼠竄。但慮其追。烏知我兵反利于竄。

乎。于是如期架造，不三日而告成。橋成而民尚未之知也。此其異政之一。龍丘有地，曰澗口，去城六里許。水自南山來，環繞郭郭而後西注。後因春水泛濫，沙土漸崩，所恃爲砥柱者盡歸巨壑。南來之水直瀉入河。堪輿家言謂有關風水不小。闔邑士紳數議修築而不果。因其工費浩繁。軍興以後，民不堪命，豈能復興大役乎。丁巳之季夏，民間賽社適當斯地，建高臺而演劇，觀者萬餘人。以軍興數載，始奏昇平，無不欲觀太平盛事。公先期備草履一輛，大小如已足。土壘



陳天序評  
頓挫生姿

木椿各數千。至期率僚佐胥役而往。不知者皆謂與民同樂。烏知其欲興大工。動大衆。于遊觀嬉笑之地。乎。至其地。卽大聲疾呼。以諭衆曰。此地之崩。關乎一邑之風水。久擬修築。而未能慮。妨爾民農事也。茲幸無心而聚。又適當斯土。是天假以緣。本縣先之以身。望爾民各助一臂。言訖。卽自跣其足。着前所備之草履。躍入急流。下木椿。丞倅繼之。胥隸又繼之。耆社聚觀之。萬民見素所愛戴之神君若此。誰不樂從。舉。運土者。咸以爭先爲榮。稍後爲辱。不半日而功成。與。

囊沙斷流之往事。神速無異。自是而水遵故道。仍繞  
郭郭而後西。此又異政之一。邑有武衿葉茂桂者。聘  
余氏女爲婦。雖六禮未行。而永言相訂已數載矣。迨  
葉父云亡。而女之父母兄弟皆欲寒盟別嫁。訟于官  
者三年。官判合而私議離。終莫能決。至是復訊于庭。  
公謂女父曰。汝女誠不欲字葉。予烏能強。但使汝女  
一至。觀其意之所屬。然後判離。未嘗不可。女父初許  
而終不使至。公怒。迅役召之。至則女無慍色。論以從  
一而終之大義。女俛首無言。知爲不答之答也。然公



已爲預治花燭併庭訊之期亦是聯姻吉日皆有章  
而爲古押衙也出冠珥吉服俾于公堂合卺鼓吹而  
歸此其異政之三公之所爲大率類此若欲爲之枚  
舉縷述非止書者力疲觀者亦愁目眩旣三事以概  
其餘古之龔黃召杜胡能加此公掛吏議者非他以  
漕項錢糧之未徵也其未徵者非他以田土盡爲賊  
踞欲徵而無其民也噫撫字心勞催科計拙其註下  
考也不亦宜乎

附盧公復江記各

從來復任之官。有未經解任而卽復者。有去任數月而復者。亦有旣去經年而始復者。然皆于舊缺未開。新官未補之日。或爲當道題留。或因緣事昭雪。而然從未有新官蒞任一載。舊令謝事。經年忽遂民間。借寇之懷。奪彼予此。而使歡聲動山嶽者。有之。自盧公始。公之見格于朝也。以漕糧未徵。故彼時八閩旣叛。依草附木之輩。無地無之。縣治以內爲民。其餘則皆賊矣。公竭力撫綏。但能化賊爲民。不能盡民而賦也。且良民失業已久。田地山



場盡爲賊踞。將執賊而使輸糧乎。抑格失業之民使先賠國課而後許復故土也。漕臺司漕惟漕是問。此項旣缺焉得不操白簡從事。然浙省之無制二公則知之深而籌之熟矣。遂交章題留。隨蒙俞允。此所以新者去而舊者復來。銅符墨綬若干夢中失去。醒復得之。原未嘗暫離我者。予向紀公異政。謬謂公果去官。公道未彰于上。以草野之筆舌先之。而不意其復有今日也。故補述數言于後。

西湖盜魚人自塞盜源紀畧

西湖非他宋之放生池也。今日所謂放生池較之當年僅一勺水耳。天禧中王欽若奏以西湖爲放生池。祝延聖壽。禁民捕採。迨元廢而不治。任民規竊。明初亦莫之禁。且設額稅漁人佃之。萬曆中縉紳士庶合請于當道諸公。始就湖心寺前後左右繞潭築埂。環植水柳爲湖中之湖。卽今日之放生池也。遊泳其中者。昔喜壽域之寬。今悲生命之促矣。然猶賴邑宰禁飭之嚴。寺僧防守之密。始可無虞。而扼要之策則在勤修堤埂。一有滲漏。卽爲盜者所乘。是以陳定菴封



君顧且菴直指嚴柱峰侍御及朱胆生鄭乘文文學。皆預儲工費。有缺卽補。乃今數年以來。朝寒暮穿。難以越宿。女媧不能見其長。公輪無所施其巧。開士東也。控于明府梁公求察。所以不堅之故。公聽而不斷。姑以高閣置之一日。漁戶以浮網事控。浮網者。管之最小而浮于水面者也。跨以細竹。一手可提。往時不禁。以其所取者。不過鰕。蚌。螺。蠅之屬。不及巨鱗。是以聽其羅取。然旦設夕收。耳目昭然。無所施其詭秘。今則綿晝夜不輟。湖中鯽。鯉。日漸消磨。疑其有絕流而

漁之術。故訟以詰之。被控者數十人。羅伏于前。公執首事者嚴訊。始知其術無他。但能取魚中孕。婦耳春夏之交。魚將散子。遇蘊草。卽投以子。散于其上。猶孕婦將產。預投寢蓐之間也。置蘊草于浮網之上。魚見卽歸。是以不勞而獲子母。偕亡于是乎。無噍類矣。公治以嚴法。永杜將來浮網病魚之患。賴是以絕。然公之釐弊。又不止此也。斯獄旣終。民將散去。公止之曰。別有一案。雖與若輩無涉。而若輩必知其情。掘放生之隄。硬使穿者。必有其人。或同一盜魚。而各分其類。



未可知也。其直言無隱。衆皆畏法不敢諱。循一人曰。彼寔倡之。別有和者。我輩皆不與謀。公執其人。訊曰。埂穿魚出。散入大湖。湖水洋洋。豈能盡爲汝得其人。曰。有火攻法。在雖有吞舟。莫能漏網。公聽而忘倦。使暢言之。蓋魚性避暗。投光猶蠅之望燈。而赴穴穿此埂。每夕以燈火誘之。設網于所穿之洞口。有弗出。出則未有不獲者。公大笑而後痛懲之。且令供出同事之人。俟案定而並繩以法。令下而諸盜胆喪。向開士東也。乞憐因其向以穿隄事控。始事者不堅質當事。

亦或不深求諒東也慈悲必不欲因魚而視人之死  
故往求之東也果然不願終訟商之于子及鄭子乘  
文我兩人共爲東也畫一策曰當事旣燭其奸豈肯  
輕縱諸盜果能悔禍盍使修隄築堦自彼壞之自彼  
完之工竣而後求寬或可姑開一面東也轉述此語  
諸盜樂從不三日而告成較前加固子偕鄭子詣公  
公曰正欲如是君得我心之同然但善後之策全賴  
是舉此後隄穿仍彼之罪卽用若輩作韋馱護持佛  
法可耳因判贖尾以立案公諱允植字承篤別號冶



涓真定人也。令浙七。政不勝書。卽此一事。亦具三。  
異僧之以穿隄。亦有其事。而無其人。公置而不問。  
忽于他案。得之異。一治末俗者。捕盜爲難。塞盜源更。  
不易。公能以盜補盜。又以盜塞盜源。合中庸執柯伐。  
柯之良法。異二盜無惡事也。修隄善行也。公不專恃。  
嚴法。而恃德威。驅天下至惡之人。而歸于善。異三。視。  
此一端。其餘善政。皆可不言而喻。當今循吏。有出其。  
右者哉。無怪乎在上位者。交章累牘而薦于朝也。

解

耐病解

終善教評  
絕類坡仙

予自春王正月由秣陵移家武林經理維艱遂以  
憂勞成疾藥攻不克幾登夜臺至春杪夏初微有起  
色旋以下樓失足猛然一蹶筋骨皆傷瀕于死者復  
兩閱月夏仲小愈送豚子就試婺州又以冒暑受傷  
興疾而返始而痢繼而瘡繼而瘡痢並作加以嗽喘  
怔忡諸餘症斯時也即使家坐十醫口嘗百藥尚慮  
攻此失彼猶萬弩當前非重鎧倍甲所能禦矣維時  
家厄陳蔡貫米貸薪之不暇尚能召巫咸覓芝朮哉



惟有坐待羅網之至。靜觀蹢躅之形而已。詎料不然。春初之疾。藥用金石。貴者攻之不愈。夏初之疾。藥用草木。賤者攻之亦不愈。迨後貴賤皆無藥。以勿藥不。其月而霍然起矣。且善飯健步。過于疇昔。始知病猶虎也。虎逢人。卽食。惟見不畏已者。卽舍之。病猶鬼也。鬼遇物。卽崇。惟見不信左道者。卽去之。病無所不奈何。惟不能奈何。窮之爲力大矣哉。古云。病不服藥。常得中醫。予曰。非特中醫。直醫國手耳。是歲之九月。偶適吳興。歸安何紫雲使君。作耐病述一篇示予。

謂夏秋之交。以憂旱禱雨。積癆成瘧。五內如焚。非多飲清泉。弗解。又復抱病。理簿書。清獄訟。日無寧晷。醫者危之。勸以忌飲水。節勞靜攝。多服參苓。始克有濟。時參值數倍于今。使君貧莫能致。匪特不從醫諫。且若有意懷之。如是者。彌月而瘧忽愈。因作是篇。志其內多疑詞。不藥自愈。其理莫能解也。予三復而美其文。因其不解。述所解解之。然予之疾。與使君之疾。不可同年語也。予之疾起于憂一家勞一身。使君則憂庶民之憂。勞軍國之勞。孟氏云。憂民之憂者。民亦憂。



其憂。毛詩云。保佑命之。自天申之。是使君之疾。自弗藥。而天藥之。已弗禱。而民禱之。瘡卽能奈一人。何。其能奈萬民何。卽能奈萬民何。其能奈天何哉。此所以藥不瞑眩。而疾自瘳。災未祓除。而祥已至也。使君又何疑焉。









